

Bájkkeavijssa NuorttaSálto

E sámegielaáhpáididdjev gávna

Tæksta: Kitty Skapalen
Járggálibme: Divte Media AS/
Adrian N. Mikkelsen

Hiejtte rektor Knut Hamsuna joarkkaskávlán, Sigurd Winther dábdás le gássjelis sámegielaáhpáididdji áttjudit skávláj Oppáiden. – Soajttá vierttip incentivajt ienebut konkretiserit, javllá sán.
Avtroppende rektor ved Knut Hamsun videregående skole, Sigurd Winther erkjenner at det er vanskelig å rekruttere samisklærere til skolen på Oppeid. – Vi må nok konkretisere incentivene mer, sier han.

■ **Goalmát jage juo ij la Knut Hamsun joarkkaskávláj nahkam sámegielaáhpáididdjev áttjudit. Dajnas jáhkedahte skávláj sámegielaohppiijt massá.**

- Álla lahkám áhtte riehta máhtudakgájbádusáj, subtsas hiejtte rektor, Sigurd Magne Winther. Skávláj le adnám Árran julevsáme guovdátjav sámegiella áhpáidime gáktuj, guhkásáhpáidime baktu. Ja navti sjaddá aj 2014/2015 skávlájáhkáj.

- Árran le guhkev áhpáidam ja siján li tjehepes áhpáididdje, ja nav de nuora oadtju dav majt galggi riektáj hárráj, dættot Winther.

Oahppiijláhko sámegiellaáhpáidimen le málssum gávtve ja lágenanvidá oahppiij gaskan, valla boahhte skávlájáhkáj li dássju gálmma oahppe gudi ájggu sámegielaáhpáidimev tjuovvot.

- Álgos dán skávlájáhkáj lidjin gávtves tjáledam sámegielaáhpáidimáj, valla gá lij guhkásáhpáidime de vidás ettjin huoman áhpáidimev sidá. Ávastav le dan diehti gá soabmása átsádalli guhkásáhpáidime ij sidjij hieba. Árvvedahte sávvin farra dábalasj áhpáidimev, javllá Winther.

- *Diedá gus manen ehpit nagá*

sámegielaáhpáididdji áttjudit?

- Gássjelis le vuojnov bajedit dan birra. Gávnuuji moadda tjehepe nuora gudi vállji sámegielaav fágan ja gænna le máhtudahka áhpáidittjat, valla muhtema farra áhpáidusáj joarkki ja sihti ietján dahkat gá áhpáidit. Galla lulujma adnet állesvirgev Oppáiden, dan diehti gá dat la ájnas skávlájábirrasij ij dássju giellaáhpáidime hárráj. Áhpáididdje máhtta viehkedit máhtudagáj ja diedulattjan dahkat ietjá oahppiijt same histávrá ja kultuvra hárráj, ja dan láhkáj buoredit same perspektijjav skávláj, javllá rektor.

Skávláj sávva liehket luondulasj vuostásválljim julevsáme oahppiija.

- Sij li ájnasa ja buorre oasse skávlájábirrasis. Ep la dássju guovtekultuvralasj skávláj sámegielaav ja dárogielav, valla moattekultuvralasj skávláj moadda álggorijkalasj oahppiij sihke sentralskávláj ja Hábmara gasskarijkalasj guovdátjis, javllá Winther.

- Lihpit gus gæhttjalam vaddet incentivajt gá sámegielaáhpáididdji áttjudihpit?

- Diedon galggi miján soames máhtudakrávkalvisá ja dán jage ællim áhtte máhtudagáj. Valla vuojnnepe jus galggap juojddáv nahkat de vierttip fáladagájt buktet ja láhtjet váj miellagiddisin sjaddá. Gávnuuji dássju gallegattja dájna máhtudagáj ja dan



diehti le luondulasj ahte le stuorra gilpustallam dáj fáhkaultutij birra. Jus galggá fáhkaultutij áttjudit de le máhttelis biedjat incentivajt mij gullu barggobieje tjádadimáj, bákká ja soajttá doarjagav, javllá rektor.

- Jus soames dáv ássjev de láhká ja mielasuvvá de galggá ber aktijvuodav válldet, májät ja duoddis:

- Skávlán le agev læhkám buorre aktisasj barggo Árranin guhkásáhpáidime gáktuj. Sij li dahkam ja vilá dahki riek buorre bargov, valla sávva diedon ietjama áhpáididdji, valla dallutij lip dudálatja Árranin.

Árran fállá uddni guhkásáhpáidimev 20 oahppiija vuodo- ja joarkkaskávlán, juogedum guhtta joarkkaskávlájda (Akta Råmså fylkkesuohkanin ja vihtta Nordlåndan).

Ádå same oahpestiddje

■ **Mánnodagá dán vahko lij audition gietjav áhttsijda gudi lidjin áhtsám oahpestiddjen boahhte skávlájáhkáj. Dássju akta gietjajs lij julevsáme guovlos.**

- Ep la ájn mierredam gudi sjaddi ádå same oahpestiddje, javllá prosjektajádediddje Risten Länsman Same allaskávlán Guovddagæjnon.

- Dav oadtjop diehtet Riddu Riddu festiválan snjilltjamánno 11. Biejve, javllá sán

Sáme oahpestiddje li gálmma nuora gudi li virgeduvvam manáittjat Vuonav miehtáj, valla sierraláhkáj same guovddaguovlon, diededittjat nuorajt same kultuvra ja dilij birra. Sij sierraláhkáj joarkkaskávláj guossidi, valla aj ietjá guovddelis sajijt gánná nuora tjáhkani. Sáme oahpestiddje áhpáiduvvi Same allaskávlán Guovddagæjnon, mij la Same oahpestiddji tjádadime ja dájna fágalsj ávdásvásstediddje. Mañnel áhtsámággemiere biehtsemáno 1. biejve lidjin gietjas gudi lidjin áhtsám. Skávláj sávva áhttsijt nuortta, julev- ja oarjelsámij guovlos ja le nuorajt bádtjim álles rijkas, ja sierraláhkáj báhtjajt, átsájt.



FJERNUNDERVISNINGSELEVER på elevtreff på Arran i oktober 2010. De fortalte at det var blitt trendy å lære seg samisk. F.v. Isabell Thomassen, Jonas Paulsen, Christin Solberg, Nora Mari Iversen, Marte G. Kleivan og Olga Gæløk.